




Vaalrivier Nuusbrie

SIONBERG en KEDU KAMPE

Die Kekkelbek



Jaargang 38

Uitgawe 4

Februarie/Maart 2018

INHOUD:

GEDAGTE VIR DIE DAG

VAN DIE VOORSITTER

REDAKSIE

FOTO ALBUM

LIEF EN LEED

KAMP PROGRAM 2017/2018.

GEDAGTE VIR DIE DAG:

God se liefde in die wêreld

1 Johannes 3: 11-17

Nuusberigte ontstel ons en maak ons negatief oor die wêreld. Dit lyk soms of al wat oorgebly het van God se goede en mooi skepping is bloeddorstige wreedaards en onmenslike boewe. Die wêreld het egter nog altyd so gelyk. Deur die geskiedenis heen het God Hom op verskillende maniere en op verskillende plekke aan mense sigbaar gemaak. Moses ontmoet God in 'n brandende bos in die woestyn. Vir Israel op pad uit Egipte is God sigbaar in die wolk- en vuurkolom. Die verbondsark is vir die volk 'n teken van God se teenwoordigheid by hulle. Elia beleef God op 'n besondere manier op berg Horeb, nie in vuur, wind of aardskuddings nie, maar in stilte. Vir die Nuwe-Testamentiese skrywers openbaar God Hom in Jesus Christus. Maar waar is God vandag?

Sommige mense dink steeds aan Jesus as die tere baba in doeke toegedraai in die krip. Jesus bly die vriendelike Helper wat siekte kan genees en altyd troos. Ander mense sien in die kerk die sigbare teken van God se teenwoordigheid op aarde. Maar die kerk het ook tekorte, teleurstellings, verdeeldheid, selfsug en magsoeke en selfs veroordeling. So die kerk kan nie die gesig van God wees nie.

Johannes sê gelowiges se lewens moet iets van God se teenwoordigheid weerspieël. Die manier hoe gelowiges hulle in die lewe gedra, hoe gelowiges ander mense behandel, moet iets van God se teenwoordigheid in die wêreld uitbeeld. Die punt wat Johannes maak, is dat gelowiges die spieël van God se gesig in die wêreld is. As die wêreld na die lewe en maniere van gelowiges kyk, moet hulle ervaar dat God bestaan, dat God waarlik liefde is en dat God genade wil betoon. God gee aan sy volgelinge die opdrag om mekaar lief te hê (vers 11). Hierdie eis van liefde is gebaseer op God se liefde vir die wêreld. Hy wat sy Seun uit liefde gestuur het om 'n liefdelose wêreld te red, mag nou van sy volgelinge vra om vir Hom en vir mekaar lief te wees.

Stukkie vir stukkie kan ons optrede in die wêreld die wêreld leer om weer lief te hê. Ons optrede kan die wêreld wys dat daar 'n beter manier van bestaan is. 'n Bestaan gevul met liefde, vergifnis en omgee; 'n lewe gevul met die teenwoordigheid van God.

Prof Jaco Beyers, Universiteit van Pretoria

Om net elke
oggend wakker te
word en met
blydskap te sê,
Dankie Here vir U
liefde en genade!
Want alles wat U
gedoen het,
herinner my aan
een ding:U is God
en U is Almagtig,
en daar is geen
ander Koning nie!



God is my anchor.

Van die Voorsitter



Voorsitterbrief Februarie 2018

Goeie dag mede kampeerders. Vir die van julle wat ons eerste kamp vir 2018 by Sionbergh gemis het, wil ek met verwyt deel dat dit self vir die gesondheid was. Daardie prag tuin in God se wonderbare skepping is so strelend vir die gemoed soos koel water op n bloedigwarm dag. Die atmosfeer onder mede buitelug avontuurgesdriftiges met soortgelyke waardes, skei mens van die bekommernisse en laste van die daaglikse gejaag. Ek is oor die algemeen lief daarvoor om met plakkies op n kamp te loop, maar daar waai alle skeiding tussen my en die mat van ruie gras. Ek begin sommer n fondsinsameling en koop die hele plaas by Oom Isaac ☺

By die oop NUB vergadering te Bloekompoort 10 Februarie 2018, is daar n groot deel afgestaan aan die bespreking rondom die strategiese beplanning. 'n Oorweldigende reaksie is met jubel aangekondig, en n positiewe reaksie is redelik algemeen. Daar is ongelukkig geen bydra uit Vaalrivier uit gewees nie, maar die NUB het darem baie materiaal om deur te werk. As daar iemand is wat wel nog n inset wil lewer, kan jul dit gerus vir my of Carine aanstuur.

'n Herinnering is ook gemaak dat lede onthou om na die radio lugtyd te luister op Pretoria FM.

'n Ernstige beroep is gemaak dat lede SAWA Verseker oorweeg vir woonwa versekering. Daar is lede wat al lank aan hulle behoort, en hulle is baie tevrede met die diens sowel as eise hantering. Die NUB het dit goed gedink om toestemming te gee aan SAWA Verseker om lede direk te kontak om die produk te promofeer. As daar iemand is wat wil beswaar maak daarteen, epos asseblief kennismeming aan my.

Laastens, net so bietjie humor vanuit die vergadering; n lid, Oom Terry van Rietfontein, het 80 geword. Hentie vertel toe hoe wonderlik dit is dat Oom Terry nog self sy woonwa sleep. Oom Jurie stem toe spontaan saam hoe fantasties dit is, aangesien die meeste van ons n voertuig gebruik ☺ ☺

Die nasionale kamp, Presidente 2018, is om die draai. Stuur asseblief jul bespreking vir Juliana en Carine. Hoofkantoor verkieks vooraf elektroniese betaling om kontant op die oord te beperk, maar u is welkom om by die oord te betaal. Vaaldriehoek is kampkommandante, so ons vra hulp vanaf ons lede. Die oord hanteer baie van die verantwoordelikhede, so die werk is maar min, en dit word nog verdeel tussen 6 streke. My gesin is in Port Shepstone vir die rugby se Sport 20, so ons gaan ongelukkig die Presidente misloop vir die eerste keer vanaf 2014. Baie sterkte aan almal wat uithelp, en hou Vaalrivier se naam hoog!

Dis al van my kant af, ek hoop om julle te sien op die volgende kamp.

Vriendelike SAWA groete,

Marcel

Redaksie



En so breek nog 'n 'n SAWA Vaalrivier kamp, die eerste in 2018 aan en is ons bevoorreg om by myns insiens een van die mooiste oorde in die omgewing te kamp. As mens net na die fotos kyk dan sien 'n mens dit baie duidelik. Ek was bevoorreg om Woensdag aand van die mooiste sonondergange waar te neem en daarom plaas ek een van die vele fotos wat ek geneem het op die eerste blad. God se skilderye is die mooiste en ons as woonwa mense is bevoorreg om dit gratis en verniet te kan sien en te waardeer. Dit was weereens 'n baie aangename kamp en die Kampkommandante Eugene, Beverly en Garath Ferreira bygestaan deur Neels Kriel het hulle weereens uiters goed van hulle taak gekwyt. Kyk maar na die foto album en besluit self.

Dit was heerlik dat een van die jeug, uit ons begin dae by Vaalrivier, Celeste Bezuidenhout (nee Delpoort) en haar man Rubert en hulle kroos weer saam met ons gekamp het en daar die potensiaal is dat hulle gaan aansluit. Sien die foto album.

Marcel het tydens die kamp weereens ernstige beroep op ons lede gedoen om hulle self as Bestuur vir die Streek beskikbaar te stel. Ek self was op die Bestuur vir paar jaar en kan julle verseker dat dit nie so erg is as wat almal dink nie. Dit is nodig dat ons toegewyde lede as Bestuur verkies. Vooraf kennis van bestuur is nie nodig nie maar dit is belangrik dat die mense wat hulle beskikbaar stel bereid sal wees om leiding in die Streek te neem. Die poste van Voorsitter, Onder-Voorsitter, Penningmeester en Sekretaris is die belangrikste poste wat gevul moet word in enige streek en dit is hierdie mense wat hand aan hand moet werk en leiding aan die ander Bestuurslede moet gee. Om op enige Bestuur te dien moet nie as status simbool gesien word nie maar as deel van ons verbintenis tot SAWA. Ons het soveel potensiaal in ons Streek en ons moet dit ontgin.

Dan word lede herinner aan die besluit dat daar tydens die AJV 'n kontant bedrag van R1000-00 gegee sal word aan die lid wat die meeste lede vir die jaar gewerf het en daardie lede dan aktief kamp.

Ek het nou onlangs een van ons vroeëre kampeerders Gerhard Kriel raak geloop en tot my verbasing gehoor dat hulle nog steeds lede is maar dat hulle baie lanklaas gekamp het as gevolg van hulle kinder verpligte. Hulle was nie eers bewus hulle is lede nie tot ons vasgestel het dat hulle lidmaatskap geld per debiet order afgetrek word. Ons sien regtig daarna uit om hulle weer en meer gereeld by ons kampe te sien.

Ek wil beroep op al ons lede doen wat hier lees en weet van nog van ons lede wat lanklaas gekamp het of van hulle raakloop om hulle besonderhede te kry en vir Carine deur te gee. Met Gerhard hulle se storie het ons gesien dat die inligting op die ledelys wat van SAWA Kantoor af maandeliks gestuur word total verouderd is.

Lede word weereens aangemoedig om een van SAWA se grootste borge Hi Tech te ondersteun. (Sien die advertensie elders.)

Ek wil graag julle mening hoor oor die foto wat ek hieby plaas. Dink julle nie ook dat daar ernstige gesprek met Anton en Joey Delpoort en hulle gaste gevoer sal moet word oor hoe en waar daar vuur gemaak moet word as dit reën nie? En dan is Anton nogal 'n Plaas Boer. Maar vuurmaak sal hy vuur maak. Al is dit onder sy tent.



Eerstens wil ek verskoning vra dat hierdie brief so laat uitgegaan het maar ek het ons huis laat verf en plafonne vervang en alles was eenvoudig chaos en ek kon nie by my rekenaar, wat ons moes wegpak, uitkom nie want alles was in die een kamer gepak tot die ander klaar was.

Tweedens was dit nie vir ons moontlik om die Geheime kamp (Kedu River Lodge) by te woon nie maar ek verstaan dat dit 'n pragtige plek is en dat daar groot gegaan is met die bak en brou. As ek so na van die fotos kyk was dit net plesier en lekker.



Ek en Annatjie gaan vir 'n maand uithuisig wees en daarom probeer ek nou gou die nuusbrief afhandel voor die Presidente kamp.

Die bestuur doen 'n ernstige beroep op Vaalrivier se lede om die Presidente saamtrek by te woon en hulp aan te bied aangesien die Vaaldriehoek Gebied hierdie jaar die Kampkommandante gaan wees. As gevolg van ooreenkoms met die oord bestuur by Klipdraai is die werk baie minder wat die kamp betref maar is daar baie ander hande nodig om die Kampkommandante te help met die voorbereiding van die tent, die ontvangs van die lede by die hek tot tyd en wyl die oord daar gaan oorneem en dan ander takies wat mag opduik tydens die naweek. So as julle gaan kamp voltooi die dokument wat alreeds deur die Sekretaresse versprei is en bevestig julle bywoning.

As ek so na die program vir die volgende kampe kyk is die volgende kamp dan die Presidente Saamtrek te Klipdraai die Paasnaweek. Dit is beslis een van die hoogte punte op die SAWA kalender en dan is die volgende Vaalrivier Streekamp te Emanzindam naby Vrede vanaf 27 April tot 1 Mei. Lekker langnaweek kamp.

Groete van wa tot wa.

Frans en Annatjie Kloppers.





FOTO ALBUM. Sionberg Kamp (Fotos met vergunning van Garath Ferreira)





FOTO ALBUM. Kedu River Lodge Kamp (Fotos met vergunning van Garath Ferreira en Carine van In)





LIEF EN LEED

Ek het geen terugvoer oor enige Lief gekry nie maar ek weet dat daar paar van ons lede verjaar het en hulle huweliksherdenkings gehad het. Baie geluk aan almal.

Veral geluk aan Eugene Ferreira wat ook nou as Senior Burger in SAWA kwalifiseer. Ons het lekker makiete by hom en Beverley gehou. (Sien fotos hier onder.)

Beverley Ferreira is ook weer op die been en sterk aan die gang na haar onlangse knie vervanging.

Van ons kinders het redelik tot goed gevaar in die Atletiek waaraan hulle deelgeneem het.



Wat die Leed betref die volgende onder my aandag gebring:

Dit gaan glad nie goed met Neels Otto nie en hy en die familie gaan tans deur 'n baie moeilike tyd. Neels is steeds in Trimed in Drie Riviere Vereeniging.

Adri van Brakel ontvang steeds Chemobehandeling vir die kanker.

Louise van der Linde was opgeneem in die hospital maar sy is darem weer op die been en terug by die werk.

Louise van Zyl sukkel steeds met die heup en ervaar steeds baie ongemak.

Julle almal is in ons gebede in hierdie tyd en ons glo dat daar verligting sal wees.

Laat weet asseblief vir my by frans.Kloppers@gmail.com of op my sel foon 078 533 7659 sodra julle van enige lief en leed weet.

Julle kan dit aan die Sekretaresse Carine van In ook stuur

10 PRETTIGE FEITE:

1. Jy kan nie jou oë met seep was nie.
2. Jy kan nie jou hare tel nie.
3. Jy kan nie deur jou neus asemhaal wanneer jy jou tong uitsteek nie.
4. Jy het nommer 3 nou net probeer doen.
5. Toe jy nommer 3 gedoen het, het jy besef dis moontlik, behalwe dat jy soos 'n hond lyk.
6. Jy glimlag nou omdat jy weet jy is gekul.
7. Jy het nommer 5 oorgeslaan.
8. Jy het pas gekyk of daar 'n nommer 5 is.
9. Deel dit met jou vriende sodat hulle ook pret kan hê!

Geskenkies van Liesde

ONDERSTEUN SAWA SE BORG.

**VAN DIE STAD TOT
OP DIE WANDELPAD**

Die Nuwe **HI-TEC®** Wild-Life Reeks

The advertisement features a scenic landscape with a hiker standing on a rocky outcrop overlooking a body of water and distant hills. The top half of the ad contains the slogan and product information, while the bottom half displays three pairs of Hi-Tec Wild-Life shoes against a textured background.

Wild-Life Lux iWP

V-Lite Wild-Life i

V-Lite Wild-Life i Low

WATERDIT
In Waterdige veerlig.
Sau vaste droog vir langer.

VASTRAP DUURSAAM
In Gevorderde multi-ringt vastrap sole.

VOOR & VLEKE
I-shield bedekking beskerm teen vog en vlekke.

LIGTE GEWIG
Midsoel wat lichter is,
meer skok absorbeer en
meer energie hawen.

EXTRA GOMAK
Gevorderde binnensole-
teknologie vir uitstekende
en langdurende gemak.



Beeldhouer by Cape Union Mart
verkals lankdryf

HI-TEC.CO.ZA
[f](#) [t](#) [g](#)

HI-TEC®
INSPIRED BY LIFE

KAMP PROGRAM VIR 2017/2018

Kamp datum	Plek	Naaste dorp	Bywoning	KAMP KOMMANDANTE	Bespreekte plekke
27 - 29 Oktober 2017	Klipdraai	Meyerton	100	Dries en Kobus	1
24 - 26 November 2017. (Kerskamp)	Riverside beach club	Vaalpark	10	Kinders	18
26 - 28 Januarie 2018	Sionbergh	Heidelberg	100	Eugene en Beverley	15
23 - 25 Februarie 2018	Geheime kamp [100km radius] van Vereeniging	Geheim	100	Marcel & Carine	maksimum 60 persone (kinders ingesluit)
30 Maart - 2 April 2018	Presidente	Meyerton	Joker	Vaaldriehoek	1
27 April - 1 Mei 2018	Emanzini dam	Vrede	1	Eugene en Welmarie	15
25 - 27 Mei 2018	Eastco	Parys	100	George en Sarie	15
29 Junie - 1 Julie 2018	Malonjeni	Vereeniging	1	Jacques, Leon, Louise	15
27 - 29 Julie 2018	Umfula	Parys	100	Francois en Arelene	15
24 - 26 Augustus 2018	Sionbergh [AJV]	Heidelberg	100	Bestuur	20
21 - 24 September 2018	Bush Inn	Springs	1	Marius & Antoinette	15
26 - 28 Oktober 2018	Koppisol	Vereeniging	100	Andre & Petro	15
30 November - 1 Desember 2018	Beach Club	Vereeniging	100	Kinders	28

Neem asseblief kennis:

* Sou jul nou al jul bespreking vir sekere kampe wil maak, epos my asb na sekretaresse.vaalrivier@hotmail.co.za.

* As ons dit so doen, en ek sien dat ons oor die 15 of minder as die 15 is kan ek nog die bespreking wysig. Behalwe by die Geheime kamp en Beach Club.

* Sommige van die oorde verwag 'n deposito, en vol betaling 2 weke voor die kamp.

* Kampkommandante bevestig asb jul kampe, indien u nie die kamp kan aanbied nie, laat weet my asb vroegtydig.